



Manyonga se enkelbesering toe nie te ernstig

Die Suid-Afrikaanse verspringer Luvo Manyonga se enkelbesering was toe nie ernstig nie.

Die wêreld se voorste verspringer van 2017 is reeds besig met 'n rehabilitasieprogram en behoort gereed te wees vir die Diamantliga-byeenkoms in Rabat, Marokko, op 16 Julie.

Manyonga het sy enkel beseer tydens Sondag se Diamantliga-byeenkoms in Stockholm waar hy met 'n sprong van 8.36 m sy onoorwonne

status vanjaar behou het.

Neil Cornelius, Manyonga se breier, het gesê die 26-jarige Tuks-atleet sal in die komende dae net liggies oefen.

"Hy sal dalk teen die einde van volgende week weer sy aanloop op volspoed kan oefen," het Cornelius gesê.

Manyonga het vanjaar reeds twee keer die Afrika-rekord verbeter en spog met die vier beste spronge ter wêreld vanjaar. – **Wim Pretorius**